



**UNIT KOMUNIKASI KORPORAT  
JABATAN PERIKANAN MALAYSIA  
BERITA PERIKANAN HARI INI**

**21 Februari 2024  
11 Syaaban 1445H**

<b>SENARAI AKHBAR</b>	<b>TAJUK</b>
<b>Utusan Malaysia</b>	<ul style="list-style-type: none"><li>• Udang galah 'mabuk' akibat dituba?</li></ul>
<b>Berita Harian</b>	<ul style="list-style-type: none"><li>•</li></ul>
<b>Harian Metro</b>	<ul style="list-style-type: none"><li>• Penyu agar betina ditemui mati di Pantai Che Wan</li></ul>
<b>Kosmo !</b>	<ul style="list-style-type: none"><li>•</li></ul>
<b>Sinar Harian</b>	<ul style="list-style-type: none"><li>• Penyu agar betina mati terdampar di Pantai Che Wan</li></ul>
<b>The Star (metro)</b>	<ul style="list-style-type: none"><li>•</li></ul>
<b>New Straits Time</b>	<ul style="list-style-type: none"><li>•</li></ul>
<b>Nanyang Siang Pau</b>	<ul style="list-style-type: none"><li>•</li></ul>
<b>Malaysia Gazette</b>	<ul style="list-style-type: none"><li>•</li></ul>
<b>Harakah</b>	<ul style="list-style-type: none"><li>•</li></ul>
<b>Malaysiakini</b>	<ul style="list-style-type: none"><li>•</li></ul>
<b>Bernamea</b>	<ul style="list-style-type: none"><li>•</li></ul>
<b>Borneo Post (KK)</b>	<ul style="list-style-type: none"><li>•</li></ul>
<b>Guan Ming Daily</b>	<ul style="list-style-type: none"><li>•</li></ul>
<b>Sabah Media</b>	<ul style="list-style-type: none"><li>•</li></ul>

UTUSAN MALAYSIA	✓	KOSMO!		THE STAR		NANYANG SIANG PAU	MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN	POSITIF		NEGATIF	✓	NEUTRAL		30	24/2/2024

# Udang galah 'mabuk' akibat dituba?

Oleh **BADRUL HAFIZAN MAT ISA**  
badi.ha@mediamail.com.my

**PORT DICKSON:** Jabatan Perikanan Negeri Sembilan menggiatkan aktiviti pemantauan dan siasatan selepas terdapat peningkatan kejadian udang galah 'mabuk' di Sungai Linggi yang didakwa berpunca daripada aktiviti menuba.

Ketua Cawangan Konservasi dan Perlindungan Perikanan Negeri Sembilan, Doreen Wee Siew Leen berkata, pihaknya mengambil serius dakwaan berkenaan dan turun padang ke tiga kawasan di sepanjang Sungai Linggi yang berikutan kejadian udang galah 'mabuk' tersebut.

Kata beliau, tiga kawasan di Linggi itu adalah Kampung Permatang Pasir, Kampung Pengkalan Durian dan Pengkalan Kempas.

"Kami terima aduan terdapat banyak udang dan mati. Ada udang yang 'mabuk' di pinggir tebing dan penduduk yang nampak tidak melepaskan pe-



**JETI Pengkalan Kempas, Linggi, Port Dickson menjadi tumpuan kaki pancing yang mahu menangkap udang galah dari Sungai Linggi. - UTUSAN/MOHD. SHAHJEHAN MAAMIN**

luang menyauk hasil sungai yang mempunyai harga tinggi itu.

"Penduduk memberitahu, pada bulan ini sahaja sudah empat kali kejadian udang galah 'mabuk' berlaku. Mereka khua-

tir berlakunya kejadian menuba atau meracun oleh pihak tidak bertanggungjawab.

"Bagaimanapun hasil pemerhatian ke atas udang yang diambil penduduk itu kami

dapati tidak terdapat kesan seperti dituba seperti kebiasaan iaitu matanya pecah, keadaan udang masih baik. Kami akan terus mengadakan operasi pemantauan di kawasan terlibat

khususnya," katanya ketika dihubungi *Utusan Malaysia* di sini semalam.

Sementara itu, Doreen Wee berkata, pihaknya tidak menafikan kaedah menuba sering digunakan individu tidak bertanggungjawab untuk menangkap ikan dan udang ekoran musim kering yang melanda.

"Ada dua punca berlakunya kejadian udang mabuk iaitu yang pertama akibat faktor meracun serta menuba dan satu lagi kemungkinan hujan terlalu lebat iaitu di kawasan Seremban dan mengalir ke Sungai Linggi menyebabkan ada perubahan keadaan air di Sungai Linggi," katanya lagi.

Kata beliau, sekiranya terbukti berlaku aktiviti menuba atau meracun ikan atau udang di perairan sungai, ia adalah suatu kesalahan di bawah Kaedah-Kaedah Perikanan (Sungai) 1976 Negeri Sembilan dan pelaku boleh didenda maksimum RM20,000 atau penjara maksimum dua tahun atau kedua-duanya sekali.

							MUKA SURAT	TARIKH
UTUSAN MALAYSIA		KOSMO!		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO	/	NEW STRAITS TIMES		THE MALAY MAIL		PELBAGAI		
KATEGORI LIPUTAN	POSITIF		NEGATIF	/	NEUTRAL		7	21/2/2024

**Chukai:** Seekor penyu agar betina ditemui mati terdampar di Pantai Che Wan, Kijal di sini pagi semalam.

Pengerusi Kelab Geng Plastik Ija Terengganu Zulkefli Sarji berkata, bangkai penyu itu ditemukan ahli persatuannya yang sedang menjalankan program pembersihan pantai bersama pelajar Kolej Vokasional Kemaman kira-kira jam 7.30 pagi.

Beliau berkata, pihaknya sudah membuat laporan kepada Jabatan Perikanan negeri untuk tindakan lanjut.

"Menurut Jabatan Perikanan Negeri, punca kematian penyu agar itu berkemungkinan besar disebabkan terperangkap di dalam pukuk pari yang dipasang di laut.

"Seperti semua sedia maklum penyu perlu naik ke permukaan setiap

## Penyu agar betina ditemui mati di Pantai Che Wan

beberapa jam untuk bernafas. Apabila terperangkap, penyu tidak dapat bernafas dan mati," katanya.

Menurut Zulkefli, Jabatan Perikanan juga percaya penyu itu naik ke pantai untuk bertelur berdasarkan penemuan telur daripada perutnya yang pecah.

Beliau berkata, penemuan bangkai penyu itu adalah yang pertama oleh ahli kelabnya pada tahun ini dan ia amat dikesali memandangkan penyu merupakan spesies semakin terancam.

Justeru, beliau berharap pihak ber-

kuasa mengambil langkah segera bagi mengelak lebih banyak kematian haiwan yang menjadi warisan marin negara itu.

"Pada tahun ini persatuan kami sudah melaksanakan 26 program gotong-royong membersihkan pantai bersama pelbagai pihak termasuk komuniti, pelajar sekolah dan pihak swasta dalam usaha menjaga khazanah alam.

"Setakat ini, kami ada seramai 800 ahli di seluruh Terengganu, tetapi yang betul-betul aktif lebih 200 orang," katanya. -Bernama

UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN	POSITIF	NEGATIF	NEUTRAL	25	21/2/2024

## Penyu agar betina mati terdampar di Pantai Che Wan

**CHUKAI** - Seekor penyu agar-betina ditemukan mati terdampar di Pantai Che Wan, Kijal, di sini pada Selasa.

Pengerusi Kelab Geng Plastik Ija Terengganu Zulkefli Sarji berkata, bangkai penyu itu ditemukan ahli persatuannya yang sedang menjalankan program pembersihan pantai bersama pelajar Kolej Vokasional Kemaman kira-kira 7.30 pagi.

Beliau berkata, pihaknya telah membuat laporan kepada Jabatan Perikanan negeri untuk tindakan lanjut.

"Menurut Jabatan Perikanan Negeri, punca kematian penyu agar itu berkemungkinan besar disebabkan terperangkap di dalam pukot pari yang dipasang di laut.

"Seperti semua sedia maklum penyu perlu naik ke permukaan setiap beberapa jam untuk bernafas. Apabila terperangkap, penyu tidak dapat bernafas dan mati," katanya ketika dihubungi.

Zulkefli berkata, Jabatan Perikanan negeri juga percaya penyu itu naik ke pantai untuk bertelur berdasarkan penemuan telur daripada perutnya yang pecah.

Menurutnya, penemuan bangkai penyu itu adalah yang pertama oleh ahli kelabnya pada tahun ini dan ia amat dikesali memandangkan penyu merupakan spesies semakin terancam.

Justeru beliau berharap pihak berkuasa mengambil langkah segera bagi mengelak lebih banyak kematian haiwan yang menjadi warisan marin negara itu.

"Pada tahun ini persatuan kami telah melaksanakan 26 program gotong-royong membersihkan pantai bersama pelbagai pihak termasuk komuniti, pelajar sekolah dan pihak swasta dalam usaha menjaga khazanah alam.

"Setakat ini kami ada sebanyak 800 ahli di seluruh Terengganu tetapi yang betul-betul aktif lebih 200 orang," katanya. - Bernama

FOTO: KELAB GENG PLASTIK IJA TERENGGANU



Seorang ahli Kelab Geng Plastik Ija Terengganu bersama penyu agar betina yang mati terdampar di Pantai Che Wan dekat Chukai pada Selasa.